

道光

仁懷直隸廳志

清·陳熙晉纂修

道光二十一年刻本 二十卷

修仁懷直隸廳志

蓋聞徽國之治而康先諮方志石湖之紀吳郡

進士周長功能非言其地實本原於

其德山川以人而重而人乃仁於山川自非

功爲屬書以示諸來職此仁水城控

懷陽藩離梁益帶溫戎郡爲班孟堅始

編地理江通鄒部郡善長爰經漢年則肇

建符陽先枝江之郡尉晉中興樂拓肇

仁懷直隸廳志卷之一

縣之封疆唐蒙持節之關從商入而置縣

駐師之垣溯八路以成功自茲蜀壤而

入青螺之記若非姚州之露誰尋亦應之

釋鷺助自初居現川置於有六維勝代萬應二

十九載而始屬播州迨我

初雍正十一年而遂析新縣設知而遂通判

六十五載於茲政府屬而隸司在一十八衛

止因至八到當知區域因

萬壑千巖豈侈崇山峻嶺茂於修竹之勝

乎農桑學校雖纖悉而盡登名重夫忠孝

務搜羅之必遍不佞十年湖海慕元龍萬

馳驅謬膺司馬承乏銜繁難之職愧無材

之長廣厦須構以羣材珍裘棄矣夫衆旅

不朽相與有成爰及官僚謀於紳士所共

之確敢辭採訪之勞或授祭而在抄謄或

而付剞劂彙一方之掌故刻三月以爲期

仁懷直隸廳志

傳諸其人儲敘百里河西土壘之文獻作

難於志畧存土地人民政事之權輿

道光二十年歲在庚子六月爲陳熙晉

仁懷直隸廳志目錄

卷之一

疆域志

卷之二

疆域志

卷之三

營建志

卷之四

會計志

仁懷直隸廳志

卷之一

卷之五

學校志

卷之六

祠祀志

卷之七

兵制志

卷之八

職官志

卷之九

選舉志

卷之十

政績志

卷之十一

人物志

卷之十二

人物志

卷之十三

人物志

仁懷直隸廳志

卷之一

卷之十四

風俗志

卷之十五

物產志

卷之十六

祥異志

卷之十七

邊防志

卷之十八

藝文志

卷之十九

藝文志

卷之二十

藝文志

仁懷直隸廳志

卷之一

三

修志姓氏

特授貴州仁懷直隸廳同知卓異候陞陳熙晉纂輯
協修

仁懷直隸廳訓導陳松齡

照磨魏作舟

署照磨雷揚廷

分纂

江蘇候補同知段星燦

雙城書院山長己亥科舉人丁世選綏陽縣人

仁懷直隸廳志

卷之一

內

己亥科舉人陳鳳楷貴筑縣人

候選直隸州州判謝一樑

副貢羅俊章

貴筑縣生員陳孫枝

廩生卞登桂仁懷縣人

採訪

翰林院待詔王言

議敘鹽知事張坦

廩生袁履和

廩生 羅崇枝

監生 蕭高泌

州同 段星煥

廩生 張榮椿

廩生 顏孔鑄

生員 董仕元

監生 張廷城

武生 傅予福

仁懷直隸廳志

卷之一

五

仁懷直隸廳志

凡例

一仁懷未有志乘乾隆初廳人楊拱有廳邑合志稿本在未設直隸同知以前僅存一序餘俱寥寥茲爲搜羅攬拾詮作二十卷大約取材黔志者十之二蜀志者十之三得之案牘採之紳耆者十之五六但有關於斯土者悉爲登載

一仁自蜀隸黔自縣析爲廳自遵義府通判升爲直隸同知凡未改設以前稱謂均從其舊

仁懷直隸廳志

卷之六

六

一貴州通志以遵義星野與蜀同分爲參井然漢書云巴蜀分井鬼參又云觜觿參主益州一書已自不同隋唐以後言蜀分者多主井鬼茲先列參井而以井鬼附焉

一黔中跬步盡山不可悉數惟水道在兩山之間千古不可改移是志據南中志以犍山在營縣在黔而不在蜀詳晰辨之餘皆約畧登載水則赤水貫廳境幾四百里下及細流備敘源委據漢志南廣有大涉水北至符入江定爲今之赤水以證鄰

注大沙水從樊道入江之非鄙注引漢書唐蒙出巴符關以正西南夷傳巴作關之誤舟楫之行漚漚之利一一臚列俾存河渠遺意

一場市村莊具載至城里數遠近務使覽者於簿書期會大有裨益

一名宦自宜奉

一入祀者當之然政在口碑不能忘也今總曰政績志摭實詳紀俾畏壘之視祠鄉之愛流傳勿替

一政績人物身後方登簡牘其有好善樂施亦必舉

仁懷直隸廳志

卷之首

七

有實蹟者載入以防冒濫婦女節孝實符定例者毋論存否一律表章

一夏侯孝若東方朔贊云朔平原厭次人魏建安中

改厭次爲樂陵郡故又爲郡人也劉氏知幾謂以

身沒之後地名改易追書其事以示將來廳屬祈

仁懷縣三里地方改設未久是志於鄉里可考者

皆書某里人其無可考者始書仁懷縣人

一物產所宜均須詳載其有流俗所名務按載籍稱

爲某物俾資考證

一廳境一面倚黔三面臨蜀爲貴州西北極邊存在皆邊存在在皆防也故紀邊防一類覽者幸無以越俎譏焉


一視穆方輿勝覽詳非所詳近代盛稱武功朝邑二志務爲簡畧亦非其至唐荆川之言曰有家者隨其家之所有而籍記之田畝租餽錢貫絲縷鼓合醬罌僮指之數瑣細必詳池館花樹狗馬圖畫古物珍玩此纖勤治生者之所畧也知家之有簿本以治生而非以觀美國邑之有志本以經世而不

仁懷直隸廳志



卷之首



八


以博物得之矣余以不文汲汲是役公事稍暇卽親朱墨星夜一編幾閱寒暑於山川鄉聚田賦鹽課皆醜績著之於篇期有益於實用惟一切創始兼促時日擇未精而訪未周恐蕪且漏舉要蒐逸以俟後之君子



仁懷縣境輿圖







仁懷直隸廳志卷之一

疆域志

子與氏之言仁政以正經界爲首務西南介在荒服
尺寸皆山崎零錯互有未可以分疆畫井泥者其於
王者度地居民之意無以異也廳自四川割隸貴州
始析仁懷縣地十之三新設城外不越河而治所屬
地方往往層隣境三四百里外議者重爲要區蓋襟
帶於蜀而門戶於黔也詳列於篇俾司土者覽若指
掌因地制宜當必有道以處此矣志疆域

仁懷直隸廳志

卷之一

一

建置

仁懷直隸廳在禹貢梁州之域秦爲巴郡地漢爲犍爲郡符縣地犍爲郡孝武建元六年置治僇縣縣有犍山元光五年郡移治南廣孝昭元年郡治僇道後遂治武陽僇縣卽今遵義黔西諸州縣境漢時元鼎六年分廣漢置犍爲郡元封元年分犍爲置牂柯郡蓋犍爲本夜郎國非今四川嘉定府之犍爲也晉分符縣置安樂縣以安樂水得名隋爲瀘川郡地唐置芙蓉琅川諸縣隸播州又置樂源縣隸珍州宋大觀

仁懷直隸廳志

卷之一

二

二年置播州樂源郡領播川琅川帶水三縣大觀二年建滋州領承流仁懷兩縣此仁懷之名所由始也宣和三年廢州爲武都城以仁懷爲堡承流并入焉隸潼川路元改播州爲播南路隸四川行省明萬曆二十九年平楊應龍置仁懷縣轄仁懷河西土城二卽小溪丁山吼灘赤水安羅李博十里屬遵義府隸四川

本朝

雍正五年改撥貴州九年移仁懷縣治於生界之亭子壩以遵義府通判分駐其地撥仁懷縣之仁懷河

西土城三里地方歸通判管轄定爲中缺乾隆四十一年改爲直隸同知衝繁難兼三要缺隸糧儲道

仁懷直隸廳志

卷之一

三

請改直隸同知本末

乾隆四十一年二月十三日奉貴州布政使鄭札開
乾隆四十一年二月十二日奉撫部院裴札開照得
邊缺昔簡今繁及守貳分疆課治均當因地制宜隨
時酌改以收實益查遵義府屬之仁懷通判遠駐極
邊之赤水河與川省之瀘州合江敘永廳三面連界
五方雜處率皆閩廣楚蜀之人燒窖種靛貿易其間
咽喉匪徒最易藏匿兼之民風强悍案件繁多距府
城十有一站道路崎嶇文移不免稽遲且府屬通判

仁懷直隸廳志

卷之一

四

事權不專遇有要務更多掣肘之虞似宜改爲直隸
要缺同知在外揀選幹員調補始足以重職守而資
彈壓但直隸同知案件例由該管巡道核轉今貴西
道駐劄威寧程途紆遠應將直隸仁懷同知改歸糧
道管轄則解道轉司均在省城較爲便捷又查石阡
府居平越思南二府之間只轄龍泉一縣地方徧猿
獄訟稀少該府經徵地丁不過三千餘兩秋糧僅有
一百八十餘石爲通省中最簡之缺向以播州苗民
是以特設府治今風俗民情胥極淳厚與昔迥殊知

府清閒無事不免志氣灰頽而上司視爲無足重輕
之員亦往往意存姑息實於吏治無裨似應將石阡
府一缺改爲直隸簡缺知州歸部銓選仍隸分巡之
糧驛道管轄其所屬之龍泉一縣照舊歸管惟將府
經歷改爲州吏目府教授改爲州學正一酌更間則
繁簡均適其宜考課得從其實可期振惰策勤之效
再查通省苗疆要缺內有貴陽府之長寨同知都勻
府屬之獨山州荔波縣地皆簡僻苗民安靜今昔情
形大不相同俱應刪去苗疆字樣改歸部選以符名

仁懷直隸廳志

卷之一

五

實是否可行合飭查議爲此札仰該司即便會同臬
司糧道遵照來札逐加查核悉心妥議詳悉稟覆以
憑核奪本部院爲調劑地方起見用是公同商酌該
司等切勿意存遷就依樣葫蘆總宜籌畫精當期歸
實濟若此外尚有應行更易之處亦須各抒所見據
實附陳以備採擇

爲札飭查該事乾隆四十一年三月初六日准本府正堂于關開云云等因奉准此竊照遵義廳原屬仁懷縣舊治爲居邊圉距省九百餘里地勢延袤幅員遼濶濱臨赤水河交錯四川界三面毗連川省之瀘州合江縣敘永廳萬山盤折路遙水險爲川黔中權扼要之區其分駐通判一員向與本府同城專司糧捕課務並無管轄地方嗣乾隆三年移仁懷縣駐於生界之亭子壩改通判分駐該縣舊城始撥仁懷河西土城三里一切刑名錢穀案牘悉屬經理至於府

仁懷直隸廳志

卷之一

六

轄各州縣地方概不經由督催比較相沿已久爰改撥之初居民無多案牘稀少尚稱易治定爲中缺越今三十餘年來比戶滋生五方雜處閩廣蜀楚之人雲集種穰燒窰民風强悍俗喜爭訟兼之在在林深箐密奸徒咽匪最易藏匿案件繁多十倍從前事無鉅細例由本府核轉雖向來尚無貽誤但自廳至府十有一站道路崎嶇跬步維艱究不免有周章稽遲之虞細察情形多有不便誠如憲轍所當因地制宜隨時酌改以收實益也伏思之政貴循名核實務期

仁懷直隸廳志

卷之一

七

便捷不繁查廳員分駐卽與州縣無異仍列糧捕字樣於政體官方既不相稱而今昔異宜簡要名實亦迥不相符且極邊重地隸府統屬事權例不專攝又復駕遠更苦紆迴一遇緊要重務碍難徑達殊非所以慎邊陲而昭職守仰見憲慮周詳權宜調劑改爲要缺直隸同知案件理歸在省之糧道管轄核轉體制較優辦理所屬地方一應整飭彈壓足免掣肘之虞至通判舊管境內戶口錢糧命盜詞訟及徵收稅課各事宜均歸同知管轄辦理所有原額養廉及皂役禁卒壯快各項人役並通判舊有衙署足敷辦公以資差遣毋庸另議增添致滋糜費第查同知秩居五品較通判食俸不同應請照例更正分別扣存請領再查前次移改縣廳未經議及籌立學校所屬三里生童每逢科歲兩考分歸廳試由府彙送學院考取仍於仁懷縣學額內酌撥二三四名不令殊無定數兼之院府兩試守候需時往返維艱由此士習頓減其舊存文廟僅派該縣訓導一員留住廳城原署會同教諭約束凡文武生員丁憂起復事故及支食

廢餽均越四百餘里之遙赴該縣呈請辦理亦屬未
協應請添設廳學以符規制查仁懷縣額進縣學八
名教諭一員足資訓迪即於該縣訓導裁汰改爲廳
學復設訓導俾得專司職守應支春夏二季廉俸役
食請卽改歸扣存備支其秋冬二季分向係由廳代
領轉給應請仍循其舊無事更張惟改設直隸同知
應換關防及添設訓導應給學記仰候憲裁酌定字
樣咨請大部頒給以昭信守如此一轉移間事不繁
而名實符似於吏治要地咸有裨益矣緣奉飭議事

仁懷直隸廳志

卷之一

八

件管見所及是否可採理合具文牒呈憲臺俯賜察
核轉詳再照廳學應額准取名數似應在於府學酌
撥是否可行請煩核奪敘入其奉飭石阡等府州縣
裁改各事宜聽候各該府議覆合行聲明

爲廳縣繁簡今昔不同應請酌改更正以資整飭而
核名實事內閣抄出貴州巡撫裴 奏前等因乾

隆四十一年四月十三日奉

硃批該部議奏欽此該臣等議得貴州巡撫裴 奏稱遵

義府屬之仁懷通判遠駐赤水河與川省之瀘州合

江敘永廳三面聯界五方雜處近更多有楚粵遊民
燒窖種靛資易其閒嚙嚙匪徒最易藏匿兼之民風
强悍案件繁多距府城十一站文移往返稽遲且係
府屬通判事權不專遇有要務不免掣肘之虞似應
改爲直隸要缺同知在外揀選幹員題補始足以重
職守而資彈壓其原設之廳照磨仍歸新政同知管
轄但直隸同知案件例由該管巡道核轉今貴西道
駐劄威寧程途紆遠應將仁懷直隸同知改歸糧道
管轄則由道轉司均在省城尤爲便捷糧道事務無

仁懷直隸廳志

卷之一

九

多止分巡貴陽平越石阡三府兼轄仁懷一廳之事
辦理亦可裕如又查畢節縣當黔川門戶差務紛繁
原係補題要缺嗣因錢局移設省城改爲部選之缺
臣查核該處情形人煙稠密商旅輻輳將來銅鉛充
裕仍須置局設爐而現在水城威寧兩路運川鉛觔
匯出其途兼有該縣例應代運之鉛料理殊爲不易
必得熟悉明幹之員始能調理有方不致悞差墮運
應請將畢節縣仍定爲衝繁難三項相兼要缺在外
揀調較之初任人員自更得力地方公務均可資整

飭之益至通省舊定苗疆要缺內有貴陽府屬之長寨同知地處簡僻民苗安靜已與腹地無異應請將此缺刪去苗疆字樣定爲中簡之缺改歸部選以符名實等因前來查遵義府屬之仁懷通判該撫既稱遠駐赤水河與川省之瀘州合江敘永廳三面聯界五方雜處近更多有楚粵游民燒窰種靛貿易其間囑嚕匪徒最易藏匿兼之民風强悍案件繁多距府城十一站文移往返稽遲且係府屬通判事權不專遇有要務不免掣肘之虞似應改爲直隸要缺同知

仁懷直隸廳志

卷之一

十

在外揀選幹員題補始足以重職守而資彈壓其原設之廳照磨仍歸新改同知管轄但直隸同知案件例由該管巡道核轉今貴西道駐劄威寧程途紆遠應將仁懷直隸同知改歸糧道管轄則由道轉司均在省城尤爲便捷糧道事務無多止分巡貴陽平越石阡三府兼轄仁懷一廳之事辦理亦可和如等語應如該撫所請仁懷通判准其改爲仁懷直隸同知以要缺註冊由該督撫在外揀選題補歸糧道管轄所有案件均由該道移轉原設通判照磨准其改爲

照磨其一切裁改各事宜應令該撫逐一妥議具題到日再議至畢節縣知縣一缺原定爲衝繁難兼三要缺例應在外揀選調補嗣於乾隆二十六年五月原任貴州巡撫周 等以該邑錢局移設省城並無兼鑄之員而民情淳樸情形與前迥不相同奏請改爲衝繁中缺歸部銓選等因在案今准奏稱該縣當黔川門戶差務紛繁察核該處情形人煙稠密商旅輻輳將來銅鉛充裕仍須置局設爐而現在水城威寧兩路運川鉛筋滙出其途兼有該縣例應代運之

仁懷直隸廳志

卷之一

十一

鉛料理殊爲不易必得熟悉明幹之員始能調理有方不致悞差墮運應請將畢節縣仍定爲衝繁難三項相兼要缺在外揀選較之初任人員自更得力地方公務均可資整飭之益等語亦應如該撫所請畢節縣知縣仍以衝繁難三項相兼要缺註冊嗣後缺出令該督撫揀選調補現任畢節縣知縣 是否勝新改要缺之任均令該撫另行查明具題到日再議又據奏稱通省舊定苗疆要缺內有貴陽府屬之長寨同知地處簡僻民苗安靜已與腹地無異應請將

此缺刪去苗疆字樣定爲中簡之缺改歸部選以符名實等語查邊疆久任例載貴州貴陽府長寨同知令該督撫揀選題補五年俸滿核實以陞銜註冊俟再滿三年准其保題陞用今該撫既稱該同知地處簡僻民苗安靜已與腹地無異自未便仍列爲久任之缺致使名實不符亦應如該撫所奏將貴陽府長寨同知原定苗疆字樣刪去卽以中簡之缺註冊嗣後缺出歸部銓選等因乾隆四十一年五月二十二日奉

仁懷直隸廳志

卷之一

三

旨依議欽此

爲廳縣繁簡今昔情形不同應請酌改更正以資整飭而核名實事乾隆四十一年七月十七日奉糧憲票開乾隆四十一年七月十四日奉撫部院裴 票開乾隆四十一年七月十三日准吏部咨前事緣由到本部院准此合就檄行爲此仰道官吏卽便欽遵會同布按二司將一切裁改各事宜逐一詳晰妥議具詳請

題

毋違計抄咨一摺等因奉此合就檄行爲此仰廳官吏查照院行准咨事理卽便欽遵速將一切裁改各

仁懷直隸廳志

卷之一

三

事宜逐一詳晰妥議具詳以憑會詳請

題

毋得遲延速速等因奉此該卑職遵查仁懷通判所屬地方原係仁懷縣舊治分撥攘接西蜀距府寫遠

往來辦公每多掣肘今蒙改爲直隸同知歸糧憲管轄體制優隆公務稱便誠爲因地制宜可收實效查通判自乾隆三年分駐仁懷越今三十餘載所有同城官制地方四至戶口多寡額貯倉儲徵收錢糧數目及城垣衙署額設書役與夫官役歲支養廉工食等項均已久定章程應請仍循其舊毋庸另議外惟